



Von Reinicken Fuchs/

Sein Mutter war/das wuste man wol/  
 Sein Vatter man noch kennen sol/  
 Doch sagten die Bauern vnternander/  
 Es were der grosse schwarze Sander.  
 Ein Fahn Mann wenn er war allein/  
 Braun must auch gar von manchem Stein/  
 Die würff empfangen auff sein Leib/  
 Sie wurffen nach ihm beid Mann vnd Weib/  
 Zu letzt des Ruffeils Bruder her sprang/  
 Der hatt ein Knüttel dick vnd lang/  
 Vnd gab ihm auff sein Haupt ein schlag/  
 Daß er nicht höret oder sah.  
 Von diesem schlag ein sprung er nam/  
 Ganz rasend er vnter die Weiber kam/  
 Vnd tummelte vnter ihn rumb so sehr/  
 Daß der fünff kamen ins Riuer/  
 Welchs dabey war / vnd auch sehr tieff/  
 Bald da der pfaff zusprang vnd rieff/  
 Macht ein geschrey/vnd war halb verzaget/  
 Seht dort fleusst Frau Tütte meine Maget/  
 Helfft ihr erhalten doch ihr Leben/  
 Swo Thunnen Bier wil ich euch geben/  
 Darzu viel Abloß vnd genod/  
 Sie liessen den Bären ligen für tod/  
 Daß sie den Weibern zu hülff kamen/  
 Vnd alle fünff auß dem Wasser namen/  
 Diewel sie damit warn verworn/  
 Kroch Braun ins Wasser auß grossen zorn/  
 Begundt von grossen weh zu brimmen/  
 Er meint nicht daß er könnte schwimmen/  
 Sein gmüt war ganz vnd gundte zu dencken/  
 Daß er sich daselbst wölt errrencken  
 Auff daß er nicht mehr wärd geschlagen/

081

079

085

075

090

070

130

030

180

Ende

Anfang